



BOLLETTINO

SALA STAMPA DELLA SANTA SEDE

N. 0695

Sabato 26.10.2013

LETTERA DEL SANTO PADRE ALL'INVIATO SPECIALE AL PRIMO CENTENARIO DELL'UNIVERSITÀ "SOPHIA" DI TOKYO (1° NOVEMBRE 2013)

LETTERA DEL SANTO PADRE ALL'INVIATO SPECIALE AL PRIMO CENTENARIO DELL'UNIVERSITÀ "SOPHIA" DI TOKYO (1° NOVEMBRE 2013)

L'Em.mo Card. Raffaele Farina, S.D.B., è stato nominato Inviato Speciale del Santo Padre alla celebrazione del primo centenario dell'Università "Sophia" di Tokyo, in programma il 1° novembre 2013.

La Missione che accompagnerà l'Inviato Speciale è composta dai seguenti Ecclesiastici:

- Rev.do P. Juan Haidar, S.I., argentino, Professore associato alla Facoltà di Teologia e Direttore del Centro Cattolico all'Università "Sophia";
- Rev.do Don Celestino Cavagna, italiano, già Vicario Generale e Segretario Generale dell'Arcidiocesi di Tokyo, attualmente Parroco a Tachikawa, Tokyo;
- Rev.do P. Nobukuni Suzuki, S.I., giapponese, Lettore presso la Facoltà di Teologia dell'Università "Sophia".

Pubblichiamo di seguito la Lettera del Papa all'Em.mo Card. Raffaele Farina:

• LETTERA DEL SANTO PADRE

Venerabili Fratri Nostro
RAPHAELI S.R.E. Cardinali FARINA, S.D.B.,
Sanctae Romanae Ecclesiae Archivario et Bibliothecario Emerito

Centenaria iam appetit memoria ex quo tempore studiorum Universitas Sophia Tokii est constituta. Iaponica loca quondam peragravit sanctus Franciscus Xaverius, uberrima Evangelii semina sparsurus. Eiusdem proinde Societatis Iesu sodales ipsius semitas calcantes eodemque spiritu perfusi, Decessore Nostro sancto Pio X auctore, insigne hoc Institutum condiderunt. Nos vero minime praeterit quod ipsum habeat pondus momentumque ad tradendas cum humanas tum christianas disciplinas, unde per sapientiae praecepta ibidem discipuli magnum consequantur proventum.

Admodum ideo decet et convenit ut eventus hic congruenter commemoretur et optimo iure extollatur. Celebratio enim haec copiam dat et facultatem non huius rei dumtaxat memoriam repetendi, verum homines ad firmiora ac

graviora requirenda, dum hodiernis temporibus res debiles effluere protinus videntur.

Ipsius igitur Domini benignitate, Kalendis Novembribus, in sollemnitate Omnium Sanctorum, Tokii festiva erit de condita illa Universitate, primo exacto saeculo, commemoratio, ut ipsa, inde fere sumens vim, copiosum profectum et prosperitatem experiatur.

Quocirca ut ritus hic magnificentius efficaciusque evolvatur, Reverendi Patris Toshiaki Koto, Societatis Iesu sodalis, Universitatis Cancellarii, et Professoris Tadashi Takizawa, Praesidis, postulatis subvenire libenter cupientes, mittere aliquem Eminentem Virum statuimus, qui partes Nostras sustineat et Personam agat. Ad te autem, Venerabilis Frater Noster, cogitationem convertimus, qui in humanioribus litteris et praestantissimos inter inquisitores multum diuque versatus es, quique prorsus idoneus occurris ad ministerium hoc praestandum et luculenter explendum. Itaque permagna moti affectione, te, Venerabilis Frater Noster, **Missum Extraordinarium Nostrum** renuntiamus et constituimus ad celebrationem quam supra diximus agendam.

Omnibus igitur participibus et cunctae inibi doctorum discipulorumque familiae voluntatem Nostram benignam ostendes, cum, quamvis longo spatio separemur, adsimus spiritu praesentes. Omnibus Nostro nomine Benedictionem Apostolicam impertias volumus, quae sit ad studiosas vestigationes incitamentum et futuro de tempore supernarum gratiarum documentum.

Ex Aedibus Vaticanis, die VII mensis Octobris, anno MMXIII, Pontificatus Nostri primo.

FRANCISCUS

[01555-07.01] [Testo originale: Latino]
